

范石湖詩集卷之四

婺源黃昌衢康謠叅訂

宣城袁啓旭士旦校閱

復自姑蘇過宛陵至鄧步出陸

粲家饋食權爲藩酒市停驂竹映門紅樹亭亭樓  
晚照黃茅杳杳被高原飲溪有跡於菟過掠草如  
飛樸渥翻車軌如溝平地少飽帆天鏡憶江村

題南塘客舍

閑裏方知得此生癡人身外更經營君看坐賈行  
商輩誰復從容唱渭城



南塘冬夜唱和

燃萁烘暖夜窗幽時有新詩趣倡酬爲問灞橋風  
雪裏何如田舍火爐頭寒缸欲暗吟方苦凍筆難  
驅字更道絕笑兒癡生活淡略無歲晚稻梁謀

遊金牛洞題石壁上

仙翁舊遊處琅璈韻靈曲至今有餘香玄鶴舞幽  
谷衆真期我往歲晚芝田熟腰鑿從翁來穿雲跨  
飛鹿

淨行寺傍皆圩田每爲潦漲所決民歲歲興  
築患糧絕功輒不成

崩濤裂岸四二年落日寒烟正渺然空腹荷鋤那  
辨此人功未至不關天

袞山道中

虎嘯狐鳴苦竹叢魂驚終日走蒙茸松林斷處前  
山缺又見南湖數十峰

花山村舍

潦退灘灘露沙虛岸岸頽鳥聲穿竹去雲影過山  
來柳菌粘枝住桑花共葉開菴廬少來往門巷濕  
蒼苔

清明日狸渡道中



灑灑沾巾雨披披側帽風花燃山色裏柳臥水聲  
中石馬立當道紙鳶鳴半空墻間人散後烏鳥正  
西東

寒食客中有懷

江郭花開也寂寥不須綠暗與紅凋疾風甚雨過  
寒食白日青春吟大招芳景尚隨流水去故人應  
作綵雲飄烟波千里家何在惟有溪聲似晚潮

南塘寒食書事

埂外新波綠岡頭宿燒紅裹魚蒸菜把饋鴨鎖筠  
籠酒侶晨相命歌場夜不空土風并節物不與故

鄉同

周德萬携孥赴龍舒法曹道過水陽相見留

別女弟

草草相逢小駐船一盃和淚飲江天妹孤忍使行  
千里兄老那堪別數年馬轉不容吾悵望驢鳴肯  
爲汝留連神如相此俱強健綠髮歸來慰眼前

高淳道中

路入高淳麥更淡草泥霑潤馬駸駸雨歸隴首雲  
凝黛日滿山腰石滲金老柳不春花自蔓古祠無  
壁樹空陰一簞足屬前村店袞袞炊烟起竹林



夜至寧巷見壁間端禮昆仲唱和明日將去  
次其韻

杉松廡門森老蒼佛屋深夜蟠花香借牀睡倒悅  
何處夢隨潛魚聽驚浪呶啞禽語曉光淨窸窣草  
鳴朝雨涼哦詩出門懷二妙春漲遠山湖水黃

行唐村平野晴色妍甚

暖日烘繁梅穠香撲征鞅雲烟釀春色心目兩駘  
蕩柳眉翠已掃桑眼青未放茲游定不俗前路入  
千嶂

嶺上紅梅

霧雨臙脂照松竹江南春風一枝足滿城桃李各  
嫣然寂寞傾城在空谷城中誰解惜娉婷游子路  
傍空復情花不能言客無語日暮清愁相對生

浙東參政寄示會稽蓬萊閣詩軸次韻寄題

二首

仙翁來佩玉符麟綠髮無霜照碧筠永夜闌干千  
嶂月清風揮塵七洲春塵埃不隔壺中景功業猶  
關物外身鸞鶴莫驚兵衛峻主人元是白雲人  
鼇背飛來紺碧浮人間還有小蓬丘不須擊水三  
千里已歷中天十二樓羽駕舊曾將夢到芝田今



合爲公秋玉霄有客方東望徑欲乘風馭氣游

外舅挽詞二首

植德千章茂礪材百鍊剛事功纔止此物理故難  
量鴈序雲天遠蘭香雨露芳公無憾身後人自惜  
堂堂

幽介聯昏援門闌閱歲更方欣永燕几何意寫銘  
旌笑語猶尋夢恩勤已隔生情傷到淡處有淚不  
勝傾

天平先隴道中時將赴新安掾

霜橋水澗淨無塵塢竹溪梅未放春百疊海山鄉

夢熟三年江路旅愁新松楸永寄孤窮淚泉石終  
收浪漫身好在隣翁各安健歸來相訪說情真

元夕泊舟雪川

蓮炬光中月自圓人情草草競華年最憐一夜旗  
亭鼓能共鐘聲到客船

桐川郡園梅極盛皆圍抱高木浙中無有

家住丹楓白葦林橫枝一笑萬黃金玉溪園裏逢  
千樹還盡春風未足心

牧馬山道中

土橋茅屋兩三家竹裏鳴泉嗽白沙春色惱人無



畔岸亂飄風袖拂梅花

宿牧馬山勝果寺

佛燈已暗還吐旅枕纔安卻驚月色看成曉色谿  
聲聽作松聲

遊寧國奉聖寺

松梢臺殿鬱高標山轉溪迴一水朝不惜寒裳呼  
小渡夜來春漲失浮橋

自寧國溪行至宣城舟人云凡百八十灘

波驚石險夜喧雷曉泊旗亭笑眼開休問行人緣  
底瘦適從百八十灘來

次韻宣州西園二首

苔菌無地着紅塵花草含芳一笑新不待東君能  
剪刻相公筆力挽回春

星芒垂耀筆牀寒河漢波流硯滴乾  
三昧一篇詩就一盃乾

晚步西園

料峭清寒結晚陰飛花院落怨春深吹開紅紫還  
吹落一種東風兩樣心

送端言

東君留戀一分春蜂蝶闌珊燕子新桃李無情空



綠徑市橋楊柳送行人

早發竹下

結束晨裝破小寒跨鞍那得散疲頑行衝薄薄輕  
輕霧看放重重疊疊山碧穗炊烟當樹直綠紋溪  
水趁橋彎清禽百轉似迎客正在有情無思間

三和 小澗

石凝珠旒濺灘平霧縠鋪小童能好事繫馬劇苜

蒲

次韻子文探梅水西春已淡猶未開水西謂  
歙溪而黃君謨州學記云頻江地卑蓋此水

為浙江之源正可謂之江也

孤山山下小斜橋客魂曾共暗香飄五年不踏西  
湖路想見黃昏清淺處如今憔悴古江干豈有幽  
芳伴倚欄臘盡雪殘春不至坐令愁裏眼長寒霜  
稜未貸千林稿門外風饕人欲倒斟酌芳心正怯  
寒有情真被無情惱

後催租行

老父田荒秋雨裏舊時高岸今江水傭耕猶自飽  
長饑的知無力輸租米自從鄉官新上來黃紙放  
盡白紙催賣衣得錢都納卻病骨雖寒聊免縛去



年衣盡到家口大女臨岐兩分首今年次女已行  
媒亦復驅將換升斗室中更有第三女明年不怕  
催租苦

次韻子文衝雨迂使者道聞子規

夢魂翹蝶翅鼻息吼鼉鼓喚起治曉裝馬嘶僮僕  
悟汨泥溷鳧驚慚愧黃鵠舉猥吟陬隅池浪廢桔  
槔圃啼鵲撩客心鈎引着何許清歌蘇仙詞歸耕  
一辛雨

奉題胡宗偉推官攬秀堂

城外屏峰雲百疊城裏看雲笏柱頰山靈自與人

爭秀明滅烟霏難應接南鄰范叔骨相寒不知騎  
曹知愛山晨霞儻可救枵腹丐君分我入朝餐

次韻太守出郊

曉裝緹騎踏芳辰江為安瀾露浥塵檠戟前驅留  
任月笙簫後部帶行春魚龍水面金盃滿鸞鶴山  
頭綵筆新聞道將軍寬禮數不辭醕酢吐車茵

曉出古巖呈宗偉子文

曉風生小寒嵐潤裊巾屨宿雲埋樹黑奔溪轉山  
怒東方動光彩晃晃金鍼吐千峰森隱見一氣澹  
迴互平生癖幽討邂逅飽新遇那知塵滿甑晨炊



午未具不愧忽醜面來尋古巖路稻梁亦易謀烟  
霞乃難痼持此慰饑腸搜枯尚能句

積雨蒸潤體中不佳頗思故居之樂戲書呈

子文

門外泥濘蘸馬鞍墨雲未放四維寬前山忽接後  
山暗暑雨全如秋雨寒夢裏江湖三歎息醉中天  
地一憑欄斗升留滯休惆悵枳棘從來著鳳鸞

簽廳夜歸用前韻呈子文

簿書堆裏解歸鞍我亦蕭然轡勒寬鑪篆無風香  
霧直庭柯有月露光寒閑思喜鵲填河鼓靜數流

螢繞井欄明日又驅官裏去從教白鷺侶紅鸞

聖集誇說少年俊遊用韻記其語戲之

涼塵紅軟撲雕鞍年少王孫酒量寬倚袖竹風憐  
翠薄捧盃花露怯金寒黃雲城上栖烏曲綠水池  
邊鬪鴨欄別後相思惟故物壁煤浸損扇中鸞

次溫伯用林公正劉慶充倡和韻

前山後山梅子雨屯雲日夜相吞吐長林絕壑望  
不到時有樵歸說逢虎奔溪朝來忽怒漲夾岸柳  
梢餘尺許屋頭未放濃嵐散苦憶清風泛瓊宇客  
行落此亂山中但欲尋人訴羈旅比隣邂逅得情



士看宇津津誰笑語盃行起舞出新句我氣已衰  
聊復鼓明年與君枕太湖扁舟踏浪不踏土沉沉  
玉柱闕仙肩矯矯虹梁浮水府目力無窮天不盡  
卻笑向來誰縛汝

次韻溫伯夜坐今日忽得舍弟到杭消息喜

見于詞

長風吹月來影碎竹間牖良宵坐窘束愧我塵外  
友平生烟霞與碑兀上南斗頗亦契三三未省計  
九九迷途入簿領鄉心几回首嗟予季行役舟拂  
漲溪柳凌晨雙鵲鳴翫占得無咎何當從汝去履

綦尋蕙畝

再次韻呈宗偉溫伯

宮居數根間局促如甕牖幸隣詩酒社金薤對玉

友清真廊廟器偉望配山斗

宗偉自號  
清真居士

行當侍紫

極槐棘位三九館舍有奇士

謂溫伯

高文粲參首唱

酬猥及我雙松壓孤柳生活從冷淡幸免譽與咎  
相從結此夏何異歸隴畝

次韻溫伯納涼

日斜猶畏暑吏退合偷閑霞散紅綃薄溪迴碧玉  
彎伴人惟羽扇娛客少風鬟且復哦新句相嘲飯



題山

雨涼二首呈宗偉

強扶病客起龍鍾恩在盆傾一雨中問訊九關何  
路到擬賤歡喜謝天公

驚雷隱地送涼颺起舞看山不自持說與騷人須

早計片雲催雨雨催詩

明日復雨涼再用韻二首

東山朝日澹冥濛一片雲生萬壘中宿雨未蘇焦  
卷盡又煩箕井喚雷公

濺瓦排簷散萬絲顛狂風你要扶持恩深到骨吾

能報急賦新京第一詩

次韻慶克避暑水西寺

佳辰出西郭仰視天宇清樂哉曠士懷浩蕩吞四  
溟新漲忽勇退籬落黏枯萍風蟠招客遊曠望隔  
蘋汀僕夫勵清溪竹輿疎亭亭波翻石鑿落尚帶  
蛟龍腥華堂入松竹德人占聚星脫帽飛羽觴頽  
放解天刑時當行火令草腐亦化螢炎宮紛陸梁  
空飛赤雲駢遙知瓏上耘暴背愁白丁茲游豈易  
得未用歎沉冥

次韻溫伯謀歸

此下有送滕子昭靖  
溪羅歸一首  
卷六上



官路驅驅易折肱官曹隨處是愁城隨風片葉鄉  
心動過雨千峰病眼明一鬢何須嘗世味寸田久  
已廢吾耕羨君蚤作歸歟計屈指從公几合并

次韻溫伯雨涼感懷

窮士病且饑古今同一流身安腹果然此外吾何  
求判司誠卑官未免塵甌憂窮山更瘴暑憊卧不  
舉頭二物交寇我生世真如浮晨朝墨雲作疾雷  
破山丘排簷忽飛溜輕烟鳴相酬朱冠領熱屬橫  
潰輸一籌新涼蘇肺氣踏濕登城樓好邀雲雨仙  
長袖舞梁州吹水添甌壘淨洗千斛愁何從有此

假木廳冷如秋但覺詩思生爽氣入銀鈎章成竟  
何用知能救窮不湯子亦旅食回望家還羞倡子  
敢不和共作商聲謳

次韻子文雨后思歸

斷雲將雨洗松篁昨夜癡龍起蟄藏人自無情孤  
樂事天猶有意作新涼尊前不見凌波襪樓下空  
聞拜月香萬事安能盡如願且來相伴壓糟牀

次韻溫伯苦蚊

白鳥營營夜苦饑不堪薰燎出窗扉小蟲與我同  
憂患口腹驅來敢倦飛



慶克自黃山歸索其道中詩書一絕問之  
鳴騶如電馬如雷知是婆娑醉尉回常日錦囊猶  
有句况從三十六峰來

曉出古城山

落月墮眇莽殘星澹微茫竹輿亂清溪飛蓋入嵐  
光松檜霧靄濕桑麻風露香空翠滴塵纓何必濯  
滄浪山家亦早起迨此朝氣涼林深無人聲木末  
炊烟蒼離離瓜芋區肅肅棗栗場田園古云樂令  
我思故鄉墟市稍來集筠籠轉一忙吏事亦挽我  
歸路盤朝陽

李深之西尉同年談吳興風物再用古城韻  
李侯昔遊吳蓮舟鏡蒼茫風鬟與霧鬢共濯玻璃  
光采花不盈觴日暮雲木香還登縹緲樓羅襟酒  
淋浪卷箔納星月踏筵按伊梁安知有恨事但恐  
蒹葭蒼風吹落窮谷草深麋鹿場高岡苦炎熱游  
子悲異鄉尚喜簡書省期會無匆忙猶餘作詩苦  
消瘦如東陽

七月五日夜雨快晴

豐隆坎坎夜伐鼓靈湫老龍撇波舞褰雲掣電上  
清空倒卷天潢作飛雨向來炎宮作夏旱萬里彤



霞烘玉宇豈惟牛馬困蚊蟲隴上行人口生土我  
從雪浪葉舟來不謂山城熱如許天公知我愁欲  
病施與一涼蘇逆旅稍聞水繞屋除鳴不覺星從  
雲罅吐千山濯濯淨鬟髻缺月娟娟炯睂嫵浮生  
此景萬事足但欠清歌對芳醕天上秋期正多事  
趣駕星橋跨銀渚人間四者自難并莫妒黃姑迎  
織女

次韻宗偉温伯

冉冉流光迫歲餘青林日夜向人疎雨滋巖桂重  
堆粟新安木犀風折庭蕉又獻書逋客解蘭思婉  
秋暮再花

婉先生彈鋏厭清虛一塵不立渾輸我即境心安  
是故廬宗偉新議論温伯病起無  
聊故有解蘭彈鋏之語

再韻答子文

浮生飽外莫求餘羈旅東來計也疎肩聳已高猶  
索句眼明無用且繙書百年子莫占元緒萬法吾  
今付子虛惟有登臨心未厭黃山聞道勝衡廬

道見蓼花

秋風嫋嫋露華鮮去歲如今刺釣艦歛縣門西見  
紅蓼此身曾在白鷗前

次韻温伯種蘭



靈均墮荒寒采采紉蘭手九畹不留客高丘一回  
首崢嶸路孔棘悽愴肘生柳遂令此粲者永與窮  
愁友不如湯子遠情事只詩酒但知愛國香此外  
付烏有栽培帶苔蘚披拂護塵垢孤芳亦有遇灑  
濯居座右君看淡林下埋沒隨藜莠

次韻子文

幻塵久已破狐涎身世誰能料鼠肝暮夜雨收千  
障出晨朝風卷四維寬我今無事不如夢君豈有  
心猶覺安但促小槽添壓石龍頭珠滴夜珊珊

次韻知郡安撫九日南樓宴集三首

雙旌暮捲小春容畫棟雲生笑語中但覺山光侵  
酒綠不知日腳染溪紅控臨縹緲疑無地指點虛  
無欲馭風誰遣玉蟾催騎吹歸來人影在朦朧  
珠履參陪北海觴仍邀擁節舊中郎碧城香霧連  
天暝黃葉霜風捲地涼佳節轉頭論聚散清波從  
古閱興亾明年重把茱萸醉公在叢霄貢玉堂  
斯民鄒魯更豐年雅道淒涼見此賢萬隴登禾新  
霽色千村鳴拆舊寒烟鏘金絕世詩情妙倚劍凌  
空隸墨鮮珍重北窗山六六使君名與汝俱傳

晚集南樓



浪隨兒女怨萍蓬笑指欄干萬事空宇宙勳名無  
骨相江山詩句有神功棹頭莫覩秋高鶚留眼來  
賓日暮鴻懶拙已成三昧解此生還證一圓通

賞雪騎鯨軒子文夜歸酒渴侍兒薦茗飲蜜  
漿明日以姤同遊戲爲書事邀宗偉同作

溪山四時佳今夕更奇絕天公妙莊嚴施此一川  
雪飛花浩如海弦轉塞空澗水西萬珠樹玉塔照  
銀闕碧溪不受凍長灘瀉清咽漁舟晚猶泛樵擔  
寒未歇懸知晝不到未省時能說歸來獨搜句冰  
硯冷於鐵不如嚴夫子迎門生煖熟梅香不可耐

梅卽侍兒小名但覺酒腸渴蜜融花氣動茶泛乳膏發寧  
辭春笋寒爲暖花瓷滑膏勝畫屏暖喚起眼餘纈  
笑我獨何事作此淡生活想像高唐賦何如徑排

闕

從聖集乞黃巖魚鮓

截玉凝膏膩白點酥粘粟輕紅千里來從何處想  
看脂浪帆風

從宗偉乞冬筍山藥

竹塢撥沙犀頂銳藥畦粘上玉肌豐裹芽束縕能  
分似政及萊蕪甑釜空



雪後守之家梅未開呈宗偉

瓦溝凍殘雪簷溜黏輕冰破寒一竿日春隨人意  
生瑞葉再三白南枝尚含情定知司花女未肯嫁  
娉婷官居苦無賴一笑如何清落木露荒山寒溪  
繞孤城朝暮何所見雲橫叫饑鷹東風不蚤計愁  
眼何當明北鄰小橫斜蘼地可班荆憑君趣花信  
把酒撼瓊英

次韻溫伯城上

閉戶成癡坐扶藜得意行樓臺浮霽色市井碎春  
聲雪盡小橋出烟消千嶂生病多無腳力遙羨落

鴻轉

知郡安撫以立春日揭所書新安郡榜南樓  
之上觀雪紛集邦人以爲善祥遂開宴以落  
之輟賦長句一編以附風謠之末

碧瓦朱甍上井斗妙墨新題森鎖鈕使君筆力挽  
春來一夜飛花暗梅柳南山與樓相對高向來千  
載爭雄豪八分三字一彈壓衆峰戢戢如兒曹人  
間盛事天不隔急催此雪成三白未論千古福邦  
人先卜明年滿岡麥東風酒面吹凝酥不辭醉倒  
歸相扶短歌萬一傳樂府湛輩亦與公名俱



次韻知郡安撫元夕賞倅廳紅梅三首

春入林梢一夜風破寒勻染費天工雖然媚蕩新  
妝別只與橫斜舊格同年枕乍醒鉛粉退曉奩初  
罷蠟脂融後來顏色休論似夾路漫山取次紅  
真色生香絕世逢烟光池面雨溶溶楚憐不待施  
朱好號國翻嫌傅粉濃晴日暖雲春照耀溫風霽  
月夜春容酒闌且駐紗籠看慢破團團一壁龍  
司花一笑爲誰開知道朱幡得得來疎影有情當  
洞戶暗香無語墮空杯風生翰墨留連看月入笙  
歌次第催來歲如今翻舊唱五雲叢裏望三台

新安絕少紅梅惟倅廳特盛通判朝議召幕

僚賞之坐皆有詩亦賦古風一首

華燈放盡江梅落別有橫枝照林薄天教園苑染  
芳根小住山城慰蕭索騰騰醉從酒缸醺澹澹妝  
成笑靨新斟酌東君已傾倒爲渠都費十分春別  
乘胸懷有風月催喚清尊洗愁絕花知主客俱不  
凡一夜光風融絳雪樓頭烟暝吹單于花稍挂星  
光有無歸來境熟落春夢夢入鎖香紅綺疏

胡宗偉罷官改秩舉將不及格往謁金陵丹  
陽諸使者遂朝行在頗有倦游之歎作詩送



之

凍雲埋山天冥濛北風無情雪塞空道傍人稀鳥  
 飛絕問君東遊何匆匆君言薄官淡無味免俗未  
 能聊復爾我評茲事一鴻毛因行且看佳山水陵  
 陽樓閣壓高城烟屏百疊雙流橫宣城壘嶂樓傾姑孰  
 江亭更奇絕濃黛兩抹長睂青當塗峩睂亭望東  
 山形成龍復成虎六代遺蹤供吊古謂金陵鍾大  
 荒莽蒼江水黃兩涘風烟眇吳楚賞心亭雨卻浮  
 一葦下長川浮玉低昂波聒天長蘆真州寺浮梁  
 南溪岸小停櫂一酌人間第二泉無錫惠山閶門

峨峨過吾國

姑蘇僕故里閶門北門也

姑蘇臨波照金碧太湖

三萬六千頃上有垂虹跨南極

吳江長橋三高亭鴟夷子在焉

我

家越相尚神遊試從烟浪訪扁舟問訊白鷗相記

否謂言久客不勝愁軟紅三尺長安道九重城闕

乾坤繞西湖山寺浙江樓君昔曾遊今更好故人

客館中天開非君誰上黃金臺挽著天衢五雲上

卻望江湖如夢迴萬境何如一丘壑幾時定解客

裳縛幔亭山下桂叢深清社向來都寂寞

幔亭清社皆宗

偉舊隱故事

黃伯益官舍賞梅



一盃何處洗愁顏黃法曹家玉樹寒翠袖撚香留  
客看春風都在小欄干

次韻朱嚴州從李徽州乞牡丹三首

佳人絕世墮空谷破恨解顏春亦來莫對溪山話  
京洛碧雲西北漲黃埃

歎浦烟山蟠萬疊釣臺雲日擁千章兩侯好事洗  
寒劣寶檻移春入燕香

聞風苑裏司花女肯作山腰水尾才十二玉欄天

一笑只今歸路五雲開

時傳使君有召命

送琴客許揚歸永嘉

烏帽休衝九陌埃瘦藤定約到秋迴龍湫鴈蕩經  
行處斷取松風萬壑雷

送李徽州赴湖北漕

徂徠千丈松閱世聳絕壁高標上霄漢峻節貫金  
石惟有孤生竹亭亭附微植月夜借清景春朝分  
秀色託依未渠央萬牛挽山澤昂歲轉江湖夷路  
入玉國明堂五雲上一柱屹天極可望不可攀清  
都與塵隔依然此清士空山淡愁聞悲吟發清籟  
搖蕩風雨夕

送通守林彥強寺丞還朝



馬蕩之山天下無奔岸絕壑不可圖地靈境秀有  
人物新安府丞今第一紛綸草木變暄寒竹節松  
心故凜然窮山薄宦我無恨識公大勝荊州韓梅  
風漲溪綠如酒曉插牆烏上南斗只今廣廈論唐  
虞斟酌正須醫國手秀眉津津雙頰丹愁看鳴珮  
翔九關諸公儻欲持公議莫遣此賢思故山

送溫伯歸福唐納婦且約復游雪川

攬秀堂前一笑傾都忘身世兩浮萍杖藜處處從  
君賞落筆時時得我驚荔熟閩山勞夢想蘋香茗  
水約逢迎祗愁誤入桃源夜彼此車輪四角生

次韻宗偉閱畚樂

十日閑愁晝掩關起尋一笑共清歡罷休詩社工  
夫澹洗淨書生氣味酸盡遣餘錢付桑落莫隨短  
夢到槐安繡靴畫鼓留花住賸舞春風小契丹

題漫齋壁

漢陰無械可容機歲晚功名一衲衣稿木閒身隨  
念懶浮雲幻事轉頭非三彭已罷庚申守五鬼從  
教乙丑歸富貴神仙兩俱累此心安處是真依

四月十六日柱笏亭偶題

轉午聞雞日正長小亭方丈納空光綠陰一雨濃



如黛何處風來百種香

次韻卽席

留連銀燭照金荷  
腸斷華年一擲梭  
月姊有情難  
獨夜天孫無賴早  
斜河晶晶霜瓦寒  
生粟袞袞風  
幃細湧波  
鵲曉啼鳴鵲散  
許多佳景奈愁何

五月聞鶯二首

桑陰淨盡麥頭齊  
江上聞鶯每歲違  
不及曉風鶉  
鳩子迎春啼到送春時  
一聲初上最高枝  
忙殺嘔啞百舌兒  
老盡西園千  
樹綠卻憐槐眼正迷離

知郡檢詳齋醮禱雨登時感通輒賦古風以  
附輿訟

六月火雲高偃蹇使君有意憐焦卷  
一封紅篆驛  
金龍雨氣儵隨爐燎滿風師避路雷車鳴石破天  
驚簷溜傾不知稻本頗甦否但覺溪聲如百霆稅  
駕朱幡未云久造化功成屈伸肘我評茲事與天  
通知公小試調元手清壇深夜賓衆真前驅霓旌  
後殿輪定有靈官識仙伯報道紫皇思侍臣

婺江黃昌僑若產校字

范石湖詩集卷之四

終辛酉十月二十日校



范石湖詩集卷之五

婺源黃昌衢康謠參訂

宣城袁啓旭士旦較閱

送子文雜言

陰谷雲低梅雨多  
 黃山滌源溪湧波  
 南風匝地送歸客  
 雙漿下瀨如投梭  
 嚴夫子君舉酒我其爲君  
 歌萬山叢叢石鑿鑿  
 官居破屋巢烟蘿  
 杜鵑曉啼猿暮叫  
 客行到此真蹉跎  
 窮愁無復理一飲三歎  
 息城東費舍有佳人  
 邂逅使我加餐食  
 同鄉更同調目擊心已傳  
 蟄蟲欲作雷奪地  
 萬籟方寂風行



山吹竿喚我醒連鼓相追攀  
糜車電轂不可輦但覺兩腋生飛翰  
狂歌不必終曲戲奕不必終局有時不揖上馬去  
出門大笑驚僮僕窮鄉眼冷見未曾道上囁嚅相指目  
云此陜盜何以有二士直恐翩翩跨黃鵠廣文組解登王畿  
諸公貴人爭勸歸常日心期有定論贈行不惜重費詞腰金佩璐  
衆目好汗簡沉碑千載癡一尊有意重山岳五鼎無心輕網絲  
嚴夫子應領略別後頻書相發藥我既爲萬頃之狎鷗君勿作九臯之鳴鶴

新館

露稻粘明璫風芽袞高浪荒烟暗白道行行亂蛩響日脚午未吐雲頭晚猶漲欣此半日涼藍輿走清曠病客不堪暑茲行天宥相蚊蟲掃無跡秋意滿千嶂稍尋泉石盟略褫簿書障翊原定相會因風報無恙

臨溪寺

萬山曉嶺竚二水奔瀨洞亭亭林中寺金碧粲欄楝解鞍得蒲團卻受瓦爐供少捐一炊頃暫作百年夢無人自驚覺幽禽正清弄倦客如殘僧無力供世用此行端爲山紫翠迭迎送漱井出門去驚



塵撲飛鞵

盤龍驛

鬪雞一唱罷占斗三星沒天高月徘徊野曠山突  
兀暗蛩泣草露怨亂語還咽涼螢不復舉點綴稻  
花末惟餘絡緯豪悲壯殷林樾小蟲亦何情孤客  
心斷絕魂驚板橋穿足側石子滑行路如許難誰  
能不華髮高城謾回首疊嶂屹天闕遙知秋衾夢  
千里一飄忽

竹下

松杉晨氣清桑柘暑陰薄稻穗黃欲臥槿花花未

落秋鶯尚嬌姹晚蝶成飄泊犬駭逐車馬雞鷺撲  
籬落道逢行商問平生幾芒屨賴肩走四方爲口  
不計腳劣能濡簞瓢何敢議囊橐我亦縻升斗三  
年去丘壑二俱亡羊耳未用苦商略

寒亭

溝洫與澗合隴畝抱山轉向來六月旱此地免焦  
卷早穗已垂垂晚苗猶剪剪一川豐年意比屋闌  
雞犬老農霜鬚鬢瞿鑠黃犢健自云足踏地嘗賦  
何能免刈熟倩人輸不識長宮面康年無復事但  
恐社酒淺我亦有二頃收拾尚可繭懷哉笠澤路



歸鑿犁頭蘇

清弋江

微生本漁樵長日渺江海扣舷濯滄浪尚說天宇  
隘揭來車馬路悒悒佳思敗黃塵撲眉鬚驅逐似  
債債羸驂繫偈仄狂犬吠荒怪鄉心入旅夢一葉  
舞澎湃晨興過墟市喜有魚蝦買眼明見清江積  
雨助橫潰褰裳喚扁舟艤旒不勝載不辭野渡險  
弄水聊一快

隱靜山

杯渡師道場

五峰抱巖屏千柱奠雲壑荒原蕞爾縣有此寶樓

閣惟昔經營初衣錫化雙鶴杖頭具隻眼矯矯雲  
中落尊者一笑許璇題照林薄庭栢有祖意石泉  
韻天樂青黃轉碧雞飛梭擲蒼鶚號風饑虎怒失  
木啼猿愕夢遊偶然同吏檄乃不惡題名記吾會  
醉墨疥丹堊

新嶺

瘦馬兀背騰荒雞號蒼莽絲窠罨朝露籬落萬殊  
網宿雲拂樹過飛泉擘山響老桑踟潛蚪怪蔓挂  
騰嶙山行何許淡空翠滴羈鞅釀愁積雨寒破悶  
朝日放瞳瞳赤幟張昱昱金鉦上浮動草花馥清



范石湖詩集四  
和野禽唱僕夫有好語沙平路如掌惟憂三溪阻  
橋斷山水漲

送通守趙積中朝議請祠歸天台

城頭千峰青繞屋城下灘流三百曲誰云偏仄復  
偏仄尚有高軒肯來辱紅梅花下兩芳春春風惠  
和如主人捨攘塵土簿書裏見此縑籍天球溫厚  
祿故人車結轍棹頭獨泛清溪月不從世外得超  
然世間誰肯如公決生平我亦一沙鷗葺白蘆黃  
今正秋送公使我歸思動破烟衝雨憶扁舟明年  
想見東山起我亦煎茶石橋水道逢蓑笠把漁竿

卽是馬曹狂掾史

送詹道子教授奉祠養親

新安學宮天下稀先生孝友真吾師斑衣誤作長  
裾曳二年思歸今得歸牋詞上訴人正挽璽書賜  
可羣公歎青山百匝不留人空與諸生遮望眼白  
雲孤起越南天向來恨身無羽翰下馬入門懷橘  
拜身今卻在白雲邊鶴髮鬢鬢堂上坐兒孫稱觴  
婦供果世間此樂幾人同看我風前孤淚墮一杯  
送舟下水西我欲贈言無好詞經須喚起東廣微  
爲余重補南陔詩



道子教授奉祠諸生率余祖席如意院

暫移三席款雲閣木末欄干暮紫間絳帳莫貪江  
上路青鞋先試水西山伯陽有道來重趼禦寇他  
年憶解顏怪我抗塵驅俗駕諸公何事許追攀

淳安

後十五首  
檄嚴抗道中

篙師叫怒破濤瀧水石如鐘自擊撞欲識人間奇  
險處但從歙浦過桐江

嚴州

城府黃塵撲馬鞍一篙重探水雲寒耳邊眼底無  
公事睡過嚴州二百灘

舟人云自徽  
至嚴二百灘

釣臺

山林朝市兩塵埃邂逅人生有往來只向此心安

處任釣臺無意壓雲臺

臺上題詩甚多其最膾炙  
者曰世祖功臣二十八雲

臺爭似  
釣臺高

桐廬

濕雲垂野澹疎林十日山行九日陰梅子弄黃應  
要雨不知客路已泥濘

富陽

不到江湖恰五年歙山青繞屋頭邊富春渡口明  
人眼落日孤舟浪拍天



餘杭

春晚山花各靜芳從來紅紫送韶光  
忍冬清馥薔薇醞薰滿千村萬落香

於潛

邑居宮寺兩婁清晚寺都無菜可羹  
何處直能令鬼怕俚語云於潛昌化鬼見亦怕祇今猶自有人行

昌化

翠染南山擁縣門一洲橫截兩溪分  
長官日永無公事臥聽灘聲看白雲雙溪館絕景也

百丈山

沐雨梳風有底忙解鞍來宿贊公房  
傳聞三嶺連

天峻未到王千已斷腸

壽聖寺僧彥甚雅潔去王千嶺尚六十里

星嶺

竹輿搖兀走婆娑石滑泥融側足過  
星嶺不高人已困晚登新嶺奈君何

王千嶺

山靈設險合崢嶸行客何須向此行  
羸馬不前人雨汗此身安得諱勞生

刈麥

麥頭熟顆已如珠小阨惟憂積雨餘  
旬我一晴天



易耳十分終惠莫乘除步連雨妨刈老農云得使

插秧

種密移疎綠毯平行間清淺穀紋生誰知細細青  
青草中有豐年擊壤聲

曬繭

隔離處處雪成窩牢閉柴荆斷客過葉貴蠶饑危  
欲死尚能包裹一絲窠俗傳葉貴即蠶熟今年正爾

科桑

斧斤留得萬枯株獨速槎牙立暝途飽盡春蠶收  
罷繭更殫餘力付樵蘇

龍學尚書新安侯羅公挽詞二首汝楫

今代丹臺藉頻年綠野居鐵冠真御史革履舊尚  
書短世浮雲盡平生半稿餘人言公不朽蘭玉照  
前除

一昨更調瑟如聞欲賜環途殫泣西狩望絕起東  
山華屋林扉慘新阡草露班春風埋玉淚重為庾  
公潛

龍學侍郎清河侯張公挽詞二首

白水多名士清河最有聲人危孔北海帝識柳宜  
城蜀險談間固蠻訶檄到平凌烟何處在風雨上



銘旌

太息逢萋錦平生付薄冰  
滄溟淙赤舌白日照青  
蠅嶽麓身猶健星維馭已升天如遺一老人亦望

三登

新安侯夫人俞氏挽詞

蚤兆于鳳卜來嬪駟馬車  
夫君宜竹帛子舍各詩  
書露薤丹旌舉風楊組帳  
虛空餘彤管訓他日照  
鄉閭

次韻甄雲卿晚登浮丘亭

賓筵舊壓三千客燕榭新高十二城  
潑墨雲頭連

樹暗垂絲雨腳過溪生葛巾羽扇吾身健  
雪梳冰甌子句清從此相從須痛飲  
故應此事勝公榮

古風上知府秘書二首

神仙絕世立功行聞清都玉符賜  
長生繭雲遊紫虛雞犬爾何知  
偶舐藥鼎餘身輕亦仙去罡風與  
之俱俯視舊籬落眇莽如積蘇  
非無鳳與麟紛然似蟲魚  
微物豈有命政爾謝泥塗  
時哉適丁是邂逅真良圖

大鵬上扶搖南溟聒天沸  
斥鷃有羽翼意滿蓬蒿裏  
不如附驥蠅掣電抹荆薊  
誰云極么麼俛仰且



萬里向來庭戶間，決起不踰咫，飄飄託方便，意氣  
乃如此物生，未可料。且暮儻逢世，君看功名場，得  
失一交臂。

柱笏亭晚望

林泉隨處有清涼，山繞欄干客白忙。溪雨不飛虹  
尚飲，亂蟬高柳滿斜陽。

乳灘

清灘可怖亦可喜，造物於人真虐戲。轟雷捲雪鬢  
成絲，一擲平生來此試。險絕無雙是乳灘，舟如袞  
石下高山。畫樓正倚黃昏雨，豈識江間行路難。  
嚴

之間灘如竹節乳  
灘之險居第一

浮丘亭

知郡秘書新作以望黃山有浮丘亭  
容成峯浮丘公容成子之所遊也

繫山鬱律神仙宅，三十六峰雷雨隔。碧城欄檻偃  
雙旌，笑挹浮丘爲坐客。巖扉無鎖書長開，紫雲烟  
滅多樓臺。雲中仙馭參差是，肯爲使君乘興來。西  
崑巉絕不可至，東望蓬萊愁弱水。誰知芳草徧天  
涯，玉京只在珠簾底。它年麟閣上，清空卻訪舊遊  
尋。赤松我亦從公負，丹鼎來劖砂牀汲。湯井

朱砂峰温

泉皆在  
黃山

風月堂

母伴作新洪守名而記之



天風無邊吹海月景入溪山更奇絕太守文章別  
衆賢平分付與金杯滑門闌我亦似彭宣想聞橫  
玉叫蒼烟讀碑索句仍投轄誰是揚州控鶴仙

寄贈泉使李元直入覲

漢圖昔中天百六啓真主當時鄧高密徒步赴光  
武諸公上雲臺一葉渺湘浦聲名三十年玉氣貫  
晴宇向來宣室問天語道舊故不圖太平日復見  
起兵簿雙旌奠侯服三節臨江滸垂欲大用公少  
駐議園府人言山澤官底用廟廊具果聞一乘傳  
已踵追鋒去翔鳳覽輝來風采照鸞鷲平生經濟

心十不一二吐茲行公勿遜安國如鼎呂

休寧

南街豪郡地東圃壓州宅誰云沸鑊池氣象不偏  
仄林園富瓜筍堂密美杉栢山醪極可人溪女能  
醉客吳子邑中彥毫端萬人敵傳杯相勞苦不覺

東方白

吳益恭  
士也

祁門

石梁平波心金刹架巖腹溪藤卷霜僧山骨琢紫  
玉東堂有嘉名窈窕窗紗綠落花掃無跡蕉葉森  
似東主人甚愛客挽袖語陸續衝雨出門去役役



愧僮僕

靈山石

陵高可登天斗下劇窺井衡從十里近底用許多  
嶺秋雨醱春泥掀淖力扛鼎僕夫負嶮哭邂逅憂  
性命舊嗾子猶狂夜半槳歸艇方知與盡處頃步  
令人瘦

浮梁

大灘石如林小灘石如枿微生拋擲過兩槳若將  
割一灘復一灘食頃徑七八崎嶇幸脫免已足凋  
鬢髮我家五湖船鏡面貼天濶行迷勿浪遠歸歟

汎花月

鄱陽湖

淒悲鴻鴈來泱泱魚龍蟄雷霆一鼓罷星斗萬里  
濕波翻火碎月落村春急折葦已紛披衣袞楊尚  
疆立長年畏簡書今夕念蓑笠江湖有佳思逆旅  
百憂集

回黃坦

渥丹楓凋零濃黛栢幽獨畦稻晚已黃陂草秋重  
綠平遠一橫看浩蕩供醉日落帆金碧溪嘶馬錦  
繡谷世界真莊嚴造物極不俗向非來遠遊那有



此奇矚

桑嶺

回腸山百盤揮手天一握俯驚危棧穿仰詫飛石  
落挽輿如挽舟絕叫斷雙筇怪蔓纏枯槎瘠草被  
幽壑此豈車馬路誰云強刊鑿人言遠遊好呼來  
試着腳

天都峰

維帝有下都作鎮此南國孤撐紫玉樓橫絕太霄  
碧晶熒砂竇紅天嬌泉紳白晴雲無盡藏竟日裊  
幽石諸峰三十五離立侍傍側會稽渺小哉清議

職方籍

溫泉

黃山朱砂峰下

砂牀毓靈源石液漱和氣鬱攸甌常蒸甯沸鼎百  
沸人生本無垢安用滌腸胃一瓢灑清肥回首謝  
羅尉山溪人跡罕政以遠為貴君看華清池談者  
至今諱

余代聞知府秘書欲取小杜桐廬詩語以見

花名堂余記東坡送鄭戶曹詩云蕩蕩清河  
壖黃樓我所開遲君為坐客新詩出瓊瑰樓  
成君已去人事固多乖此段大類今日余行



且受代計梅開堂成歸舟已下南浦欲爲坐  
客不可得懷不能已請先爲公賦之

使君來暖東堂席又見堂前花信息小白猶封竹  
外枝微黃已點眉間色山城十月如春臺聞有細  
書天上來說與橫斜應蚤計不須更待雪花催

知府秘書遣帳下持新詩追路贈行輒次韻

寄上

冷雲去仍來凍雨落還歇平湖一篙漲珍重送船  
發端成南溪泛寧復東堂謁何時 三日請澤看  
山笏恩勤一未報終古銘肌骨幡幡跡雖遠耿耿

心不沒門闌如水波永印此孤月

寄上鄙句之明日舟次梅口南枝已有春意  
復次知府秘書贈行高韻

晏溫解船去暮夜檣船歇橫斜隘梅村玉蓓粲將  
發城中三輔豪指日承明謁高懷妙康濟未試君  
前笏周南又小春微溫入花骨我瞻浮江亭山高  
璿柄沒飛鳥正飄蕩空繞南枝月

晞真閣留別方道士賓實

東山西山雙袖舞中有清宮蟠萬礎雲橫朱閣碧  
梧寒風掃石壇蒼檜古道入賓實其姓方來從何



許令幾霜誅蒿仆蓬殿窅兀玉華紫氣騰真香胸  
奇腹憤無人識我獨相從似疇昔時時苦語見鍼  
砭邂逅天涯得三益明朝歸客上歸艍重到睎真  
計渺茫只有雙魚相問訊歙江之水通吳江

程助教遠餞求詩

殘山剩水帶離亭送客煩君遠作程真欲明年擊  
吳榜白沙翠竹是柴荆

次伯安推官贈別韻

交情瀰歲竟匆匆短棹歸尋一畝宮塞責文書容  
我懶及時杯酒賴君同披雲峰頂城頭月攬秀堂

前扇裏風千里音書慰離索莫言天遠費鱗鴻

次景琳錄事贈別韻

放船鳴榔便秦吳送別空煩長者車宿露鎖山常  
冪冪新雲將雨忽疎疎高城五嶺花淡處短棹三  
江木落初賴得溪流通尺素蒲根仍有一雙魚

次黃必先主簿同年贈別韻二首

當年仗外揖高標繡鞵蘆鞭寶馬騎瓊苑天香飄  
合座碧城山色照同僚思歸意決吾張翰贈別情  
淡子繞朝鱗斷魚梁從此去它年書札墮烟霄  
山郭官閑得浪遊彌年還往話綢繆西園剝棗催



奴課東院尋梅勸客留皆簿廳故事筆下修峰千首富  
談間和氣兩眉浮別來悵望何時見謾上重城謾  
上樓

次胡經仲知丞贈別

先生有道抗浮雲拄頰看山意取真霜鬢不堪瘠  
首疾翠娥常作捧心顰官如斯立藍田小家似淵  
明栗里貧俯仰別來萸萸換祗今誰與話情親

次諸葛伯山瞻軍別韻

於維羣山固漫仕富英傑清標照人寒玉笋森積  
雪嗟余獨委頓無用等木屑又如道傍李味苦不

經仲与侍兒皆多病天不  
與情色賦歸去來詞

堪折歸舟坐成泛去馬亦已刷三年風波險盡付  
一笑濶惟君固懷抱各坐天機拙我家鴟夷子竹  
帛照吳越雲仍無肖似頰首愧前哲若家卧龍公  
事業管樂埒期君踵祖武勿惜兒女別言狂舉白  
浮醉倒霜松折

次韻樂先生除夜三首

團蒲曲几坐成癡北看南觀恍是非道眼已空詩  
眼在梅花欲動雪花稀

天邊客裏五迎冬爭信還鄉似寓公人事多非城  
郭是獨憐雞犬識新豐



落石湖詩集十六  
牀頭曆日鬢絲絲懶倦慵吟守歲詩宜入新年須  
吉利明朝把筆寫門楣

次韻唐幼度客中幼度相別數年復會於錢塘湖上

西湖水泮綠生鱗料峭東風欲中人花片不禁寒  
食雨鬢絲猶那湧金春江山契濶詩情在京洛追  
隨客夢新喚取歌聲不愁思爲君吹水引杯頻

客中呈幼度

手板頭銜意已慵墨池書枕興無窮釀泥淡巷五  
更雨吹酒小樓三面風草色有無春最好客心去

任水長東今朝合有家書到昨夜燈花掇玉蟲

奠唐少梁晉仲兄弟墓下

當年連壁氣如蜺人許躋攀九列齊黃壤一時埋  
玉樹青雲何處用丹梯生平書札頻雙鯉歲晚交  
情但隻雞眼底傷心難制淚寧論宿草已萋萋

鎮東行送湯丞相帥紹興

吳波鱗鱗越山紫鎮東旌旆東風裏前驅傳道相  
君來一夜鑑湖春漲起鑑湖如鑑涵空明相君出  
處如湖清十年勲業泰山重五鼎富貴浮雲輕人  
言公如裴相國綠野堂高貯風月我獨願公如子



年身在江湖心魏闕  
浯溪有石高嵯峨  
公方東征如此何  
丁寧湖水莫斷渡  
早晚歸來絕江去  
水月菴謁現老不值

有客扣岩扃無人管  
送迎片雲閑出岫  
水月自空明

次韻邊公辨

錯落參旗宵竹梢  
紫荆臨水閉蓬蒿  
春風吹曉玉蟾墮  
穠露洗空銀漢高  
雙鵲繞枝應也倦  
一蛩吟壁已能豪  
新秋只合添詩興  
莫學潘郎歎二毛

中秋無月復次韻

屋山從捲杜陵茅  
門徑慵芟仲蔚蒿  
澹澹白虹風暈壯  
紛紛蒼狗雨雲高  
凌空累筋仙無術  
半夜撞鍾句謾豪  
枵腹題詩將底用  
真成兔角與龜毛

公辨用前韻見贈復次韻

先生筆力玉山鼇  
氣壓明堂一柱蒿  
雪椀滌毫詞絕妙  
朱絃縮瑟調彌高  
心兵不起無三粲  
坐客常多似四豪  
喜有過從南北巷  
蘇蘭薪桂淪溪毛

公辨再贈復次韻

書生活計極蕭騷  
爝火微明似束蒿  
犬子地寒徒壁立  
元龍身懶漫樓高  
筆端未辦誇三絕  
酒裏猶



能掃二豪又向詩壇斬借一強磨鉛鈍齒吹毛  
送施元光赴江西幕府

鎮南旌旗照江臯入幕如今客最高月暗秋城稀  
擊柝雲飛朝棟賸揮毫長亭酒盡歌三疊半夜溪  
溪雨一篙莫戀陽關更西路九關歸路踏金鼇

次韻林子章阻淺畱滯

客行端似未歸雲指點璿杓幾易辰喜有風花黃  
作暈似聞溪漲綠生鱗我從走俗言無味君已鳴  
文筆有神繡段炳然空辱贈急繙緹襲歸珠塵

次韻馬少伊木犀三首

月窟飛來露已涼斷無塵格惹蜂黃纖纖綠裏排  
金粟何處能容九里香

水尾山腰樹影蒼一天風露不供香誰家鏡裏能  
消得付與詩人古錦囊

密密嬌黃侍翠輿避風遮日小扶疎畫欄想見懸  
秋晚無限宮香總不如

林夫人挽詞

黃中之妹知書

翰墨門闌正巋然故應婉婉亦儒先與聞古學三  
千禮能誦家書四百篇卜協媯姜占永世夢呼辰  
已識周年班姬合有遺文在後日從容訪孟堅



李仲鎮懶窩

求名當著鞭訪道亦重趼二邊俱不住三昧不如  
懶向來南巖師自謂極蕭散投涕且無緒客至那  
可款爭如懶窩高門外轍常滿殊不妨嘯歌秉燭  
苦夜短天寒雪欲花屋角黃雲晚徑須煩二妙對  
洗玻璃盞

次韻陳季陵守丞求歛石眉子硯

金星熒熒眉子綠婺源琢石如琢玉寶翫何曾掇  
枵腹但愛文君遠山蹙文人筆陣森五兵書品入  
妙仍詩名我有坡陀天海樣與公文字俱金聲梟

盧一擲不須呼况敢定價論專渠只煩將到救臺  
下試比何如京兆畫

次韻季陵貢院新晴

鎖闈令嚴淡復淡五星簾幕晴若陰澹雲微月謾  
清夜短檠政自關人心看燈作暈生睡色江南行  
處夢不隔覺來快讀新晴篇恍然寘我鶯花繭徑  
欲觴公後堂酒儻煩春衫小垂手

次韻周子充正字館中緋碧兩桃花

碧城香霧赤城霞淡出劉郎未見花憑仗天風扶  
絳節爲招萼綠過羊家



范石湖詩集二十一  
明日子充折贈次韻謝之

海上三山冠綵霞六時高會雨天花步虛聲裏隨  
風下吹落尋常百姓家

明日大雨復折贈再次韻

一天雲葉翳朝霞風卷泥霑不惜花羣玉山高春  
好在人間烟雨暗千家

張恭甫正字折贈館中碧桃因次子充韻

滿枝晴雪照青霞舊識桃源暈碧花俯仰京塵隔  
年夢東風猶認故人家

雨中報謁呈劉韶美侍郎

花落滿城雨雨餘雲重陰驅車有底急巷泥三尺  
深平生黃蔑舫漁榔有清音斗升得苦相懷刺衝  
愁霖歸來掩關臥一枕直兼金作詩託比隣幸勿  
譏偏心

雨中集水月

獻之今年不堪暑天亦相憐病良苦明便中秋法  
合涼夜半行雲曉行雨蘄州竹簟清如水饑蚊倔  
強猶鳴聲下牀蚤喜衣裳健出門更覺山川明曳  
屐扶藜尋水月不惜垂垂巾角折竹間松下已凄  
然卻要芳尊坐暖熱



送洪景盧內翰使國二首

金章玉色照離亭戰伐和親決此行國有威靈雙  
節重家傳忠義一身輕平生海內文場伯今日胸  
中武庫兵萬里往來公有相淮瀆陰德貫神明日  
近兩進戰地掩  
豁公之請也

檄到中原殺氣銷穹廬那敢說天驕今年蕃始來  
和漢卽日燕當遠徙遼北土未乾遺老淚西陵應  
望孝孫朝著鞭往矣功名會麟閣丹青上九霄

次韻嚴子文旅中見贈

杯中疇昔共江天傾坐新詩報警聯海浦寸心空

共月京華雙鬢各週年交情敢說同方友句法甘  
從弟子員有意數從文字飲何須爭著祖生鞭

次韻子文客舍小樓

客裏仍攜一束書閉門虹氣自凌虛未聞光範延  
珠履誰向甘泉從玉車散盡生涯千答市收將文  
價百車渠淹留且結西湖夏同到秋風賦遂初

次韻劉韶美大風雨懷門屋

雲烟揮翰墨池翻縑縹如山晝掩關已許六丁收  
散落只愁雷電費牆藩

洪景盧內翰使還入境以詩迓之



玉帛干戈洵並馳孤臣叱馭觸危機關山無極申  
舟去天地有情蘇武歸漢月凌秋隨使節回塵捲  
暑避征衣國人渴望公顏色爲報褰帷入帝畿

寄題尚撫州采菊亭

一葉起秋色衆綠凋歲華耿耿霜露側餘此黃金  
葩西風滿天地孤芳照塵沙殷勤開小築花氣日  
夕嘉落英楚纍手東籬陶令家兩窮偶寓意豈必  
真愛花不如亭中人一笑了天涯采采勿虛度門  
前欲高牙

古風二首上湯丞相

抱瑟游孔門豈識宮與商古曲一再行乃雜巴人  
倡知音顧之笑解絃爲更張歸來掩關臥冰炭交  
愁腸平生桑濮手未省歌虞唐明發理朱絲復登  
君子堂遺音入三歎山高水湯湯  
空山學仙子窮年臥巖扃煮石不得飽秋鬢蒼已  
星道逢紫霄翁示我餐霞經采采晨之華滌濯腐  
與腥向來役薪水終然稿柴荆跪謝起再拜飄飄  
蛻蟬輕飛升那敢學儻許學長生

九月十日南山見梅

五斗留連首屢回來尋南磻濯塵埃春風直恐淵

山下有冷泉亭放水  
一首



明去借與橫枝對菊開

送汪聖錫侍郎帥福唐

承明纔入又南州重見旌旂照柁樓道義平生無  
捷徑風波隨處有虛舟如公未可違文石稽古何  
妨欠碧油我亦登門煩著錄此行無力為王留

送王純白郎中赴閩漕

聲利場中百戰塵今誰勇退似公豪緩尋南粵千  
山路先破西興百尺濤平日曼容嫌祿厚他年文  
木歎官高才名政爾歸安在富貴追蹤未可逃  
長至日與同舍遊北山

純白先君平生約官至  
正郎而休亭踐言故純  
白為兵部便可去以承  
其志

歲晚山同色湖平霧不收寒雲低閣雪佳節靜供  
愁竹栢森嚴立蒲荷索莫休瘦筇知腳力政爾耐  
清遊

冷泉亭放水

古苔危磴著枯藜脚底翻濤洶欲飛九陌倦游那有  
此從教驚雪濺塵衣

婺江黃昌倫敘五校字

范石湖詩集卷之五

終辛酉大雪後一日游天平山回舟  
中校畢



范石湖詩集卷之六

婺源黃昌衢康謠參訂

宣城袁啓旭士旦校閱

次韻尹少穆察院九宮壇齋宿

草草馳三里蕭蕭共一餐  
吏方綿禮絕公自將詩  
壇隙月窺牀近窗風刮坐寒  
鴉鳴未忍散端爲四  
并難

冬祠太乙六言四首

三一舊傳神呪十神今濟時艱  
願挽靈旗北指爲  
君直壽陰山



月色朧明碧瓦蠟烟浮動黃鸝正騎廳輪欲下一  
天飛霞纖纖

雲木棲鳥未動風庭驚鶴先鳴殘夜百靈夙駕人  
間鼻息雷驚

行道羽衣縹緲捲班玉珮玲瓏回首金鋪獸面步  
虛聲在天風

次韻李子永雪中長句

黃昏苦寒鳥鳥稀吹沙走石交橫飛布衾如鐵復  
似水夢想東風來解圍豈知天地有奇事夜半窗  
紙生光輝兜羅寶界佛所現冥凌不敢專璿璣開

門倚杖眩一色迴立此世空無依少年行樂况尚  
記瑤林珠樹中成溪犬驕鷹俊馬蹄快狡兔未盡  
須窮追湖海龕豪今豈在但憶嗚哮如餓鴟北隣  
亦復淡生活要我忍寒吟此詩手龜筆退不可捉  
墨泓齟齬水生衣

次韻子永見贈建除體

建子玉杓直黃昏月如霜除道啓柴扃客來巾履  
忙滿炷寒釭油共此書檠光平生卜隣願何意登  
我堂定交吾豈敢南榮嘶作陽執手道古作遺篇  
記河梁破窗風鳴悲孤客多慨傷危腸不抹饑我



范石湖詩集二  
詩安得昌成章類村歌但可侶牛羊收功翰墨藪  
微子誰能良開卷得雅音玉鑾導旂常閉戶坐相  
念雪淡梅暗香

與胡經仲陳朋元遊照山堂梅數百株盛開  
九陌緇塵滿客襟錢塘門外有園林胡牀在處梅  
無限酒旆垂邊柳未淡晴日暖風千里目殘山剩  
水一人心元方伯始皆吾黨邂逅清遊直萬金

次韻胡邦衡秘監

斯言向來立千古敢疵瑕有命孤蓬轉何心勁箭  
加人窮名滿世天定客還家回首冥恩怨虛空不

着花

三月四日驟暖

日脚融晴晚氣暄睡餘初覺薄羅便如何柳絮霑  
泥處暖似槐陰轉午天

久雨地濕

汗礎經旬未肯乾破窗隨處有蝸涎祗今不耐春  
陰得想見梅黃細雨天

晝錦行送陳福公判信州

漢家麟閣多王侯冠珮相望今幾秋晝錦身名兩  
榮輝惟有信州如相州國門南頭折楊柳借問江



津垂白叟住在行都四十年曾見歸舟似公否人  
言公與赤松期鸞車羽輪來何時雲出雲歸俱是  
道苦學赤松還未妙君不見補陀大士海復山隨  
喜卻來觀世間

送張真甫中書奉祠歸蜀

種成桃李恰新陰忽憶家山叢桂林客路莫嫌歸  
計拙春江爭似駭機淡一封朝奏鈞天夢萬里江  
行魏關心後日還朝飽風露黑頭應有雪絲侵

送周子充左史奉祠歸廬陵

黃鵠飄然下九關江船載月客俱還名高豈是孤

臣願身退聊開壯士顏傾蓋當年真且莫霑巾明  
日有河山後期淹速都難料相對猶憐鬢未斑

送陳夫子大監同年使閩

春關十載記英游蚤喜時才近采旒夷路著鞭方  
逸駕急流回首忽扁舟雲霄正穩君猶去塵土無  
邊我合休問訊後車容客否茶山荔浦看南州

送陸務觀編修監鎮江郡歸會稽待闕二首

寶馬天街路烟蓬海浦心非關愛京口自是憶山  
陰高興餘飛動孤忠有照臨浮雲付舒卷知子道  
根深



見說雲門好全家在翠微京塵成歲晚江雨送人  
歸邊鎖風雷動軍書日夜飛功名袖中手世事巧  
相違

送李仲鎮宰溧陽

相逢已歎十年遲冷淡貧交又語離玉筍換班通  
籍後黃梅催雨送帆時月巖家世猶爲縣仲鎮方  
叔孫也  
金瀨溪山好賦詩喚起酸寒孟東野倒流三峽洗  
餘悲

送吳元茂丞浦江

玉筍翻乘縣佐車飄然不肯待新除才名已被人

爭說官簿何妨計小疎憶昨西湖同我載從今南  
浦望君書遙知斂板趨風後始覺丞哉果負予

雪晴呈子永

碧空無處泊同雲時入荒園鳥雀馴冰面小風池  
欲動雪邊濃日瓦如薰塵容俗狀長爲客冷蕊疎  
枝又作春詩卷豈能生暖熱犯寒聊復惱比隣

次韻子永雪後見贈

雪篔待泮半陰晴竟日簷冰溜雨聲九陌泥乾塵  
未動南山石露塔猶明稍聞吉語占農事便覺歸  
心勝宦情想得村田來歲好瓦盆嘉釀灌愁城



次韻郊祀慶成

帝德重堯緒天心與舜禋慶期符後甲元日際初  
辛土緯扶南極旄扃拱北辰律諧風自良衡正斗  
垂寅桂燎靈宮曉蕭脂暗室晨百神森壁壘萬衛  
密鈎陳日月青旗色雷霆玉輅塵洗兵銀漢水收  
雪紫壇春天步臨黃道仙班像玉宸陶匏宗素樸  
琮璧慕精純秘祝哀時對高游歛下賓金鐘鳴傑  
簾朱火冀芳薪日麗鷄竿蠹天旋鳳曆新端門敷  
錫後六合共網緼

從巨濟乞蠟梅

寂寥人在曉鷄窗苦憶花前續斷腸全樹折來應  
不惜君家真色自生香

次韻朋元賣花處見梅

烟濃日淡不多寒擔上看花雪作團想得竹邊春  
已暗明朝走馬過溪看

與正夫朋元遊陳侍御園

沙際春風轉物華意行聊復到君家年年我是曾  
來客處處梅皆舊識花宦減不妨詩事業地寒猶  
辦醉生涯城中馬上那知此塵滿長裾席帽斜  
正月十四日雨與正夫朋元小集夜歸



燈市淒清燈火稀  
雨巾風帽笑歸遲  
月明想在雲堆處  
客醉都忘馬滑時  
老去尊前花隔霧  
春來句裏鬢成絲  
浮生不了悲歡事  
作劇兒童總未知

次韻子永夜雨

辦作長愁客  
工哦苦雨吟  
挑燈今夕意  
欹枕故園心  
漏屋疎疎滴  
空簷細細斟  
相過巷南北  
屐齒怕泥深

次韻朋元遊王氏園

聯翩步履翠微間  
回首紅塵自鮮歡  
捲地雨添千澗急  
擁門雲鎖兩山盤  
絕憐茶筍能留客  
仍喜蛙

聲不在官雪白楊梅消息未  
重來應至麥秋寒

遊英石山寺

西湖富清麗  
城府塵事并我獨  
數能來不負雙眼  
明騷騷殘絮罷  
颭颭新荷成  
歲華日夜好  
遊子能無情  
午陰釀初暑  
稍喜中袂輕  
小風吹鬢毛  
將我入松聲  
崖寺金碧暗  
石泉肝膽清  
壽藟萬蛟舞  
靈峰雙髻撐  
仙人昔來遊  
筆墨上朱薨  
舉臂尋丈高  
聊得兒童驚  
老矣謝狡獪  
題詩記吾曾  
寺門頽壁有仙人顏

注在題下

次韻李器之編修靈石山萬歲藤歌



君不見東林怪蔓之詩三百年字如金繩鐵索相  
糾纏不如李侯靈石句筆陣壓倒長城堅藤陰詩  
律兩香發此段奇事今無前吾聞草木未有不黃  
落雨荒霜倒相後先綿綿紫藟天所壽風雨不動  
常蒼然堅姿絕隣傲一世淡本無極融三泉騰蚪  
舞蛟矯欲去流蘇絡帶翩如仙班荆芑賴得吾黨  
酌泉共吸杯中天詩成一斗屬太白劈牋揮掃如  
雲烟北門西掖君自有坐詠紅藥燃金蓮山腰礪  
底莫濡滯早晚天風吹蛻蟬

次韻正夫遊王園會者六人

丘園窈窕復崎嶇草木生香景倍殊花下百杯齊  
物我雲邊一眼盡江湖不知朱戶趨趨者能勝青  
山放浪無六逸蕭然直可畫爲君題作竹溪圖

四月五日集陳園照山堂

尋壑經丘到此堂官閑聊作送春忙短籬水面殘  
紅滿團扇風前衆綠香盡捲簾旌延竹色淡斟杯  
酒納山光洞門無鎖城門近轉午鷄啼日正長

寶林寺可賦軒

十里山行雜市聲道傍無處可濯纓寶林寺裏逢  
修竹方有詩情約畧生



次韻朋元久雨

誰釀愁霖玉宇間，卻緣梅子要爛斑。  
騰騰困思午猶夢，擾擾奔雲風未還。  
休問滿城騎馬滑，不妨長日閉門閑。  
今朝晴色熹微似，乾鵲飛來語屋山。

韓無咎檢詳出示所賦陳季陵戶部巫山圖詩，仰窺高作歎息彌襟。余嘗攷宋玉談朝雲事，漫稱先王時本無據。依及襄王夢之命，玉爲賦，但云頽顏怒以自持，曾不可乎犯干後世。弗察一切，洞以媒語。曹子建賦宓妃，妃感此而作此嘲，誰當解者，輒用此意。次韻和呈。

以資撫掌

瑤姬家山高插天，碧叢奇秀古未傳。  
向來題目經楚客，名字徑度娥嶠前。  
是耶非耶莽難識，喬林古廟常秋色。  
暮去行雨朝行雲，翠帷瑤席知何人。  
峽船一息且千里，五兩竿頭見蟠尾。  
仰窺仙館至今疑，行人問訊居人指。  
千年遺恨何當申，陽臺愁絕如荒村。  
高堂賦裏人如畫，玉色頽顏元不嫁。  
後來饑客眼長寒，浪傳樂府吹復彈。  
此事牽連到溫洛，更懷塵襪有無間。  
君不見天孫住在銀濤許，塵間猶作兒女語。  
公家春風錦瑟傍，莫爲此圖虛斷腸。



次韻樂先生吳中見寄八首

金鷄飛來尺素通  
新詩字字挾光風  
三年湖海關心處  
都在先生句子中

官居門巷果園西  
桃李成蹊杏壓枝  
如許年芳悵裏過  
斬新今日試題詩

暮林棲鳥各淡枝  
燕子知巢觸幔飛  
儻有三椽今已去  
不關五斗解忘歸

嬾不看詩似姓邊  
夢魂飛繞白鷗前  
須知席帽衝塵出  
不似蓬窗對雨眠

送春濛雨漲蘋灘  
荷葉田田柳絮闌  
想見垂虹三

萬頃拍天湖水釣絲寒

知從了義透音聞  
古井無波豈更渾  
便好一坑埋衆妙  
何須六結解諸根

幾多螻蟻與王侯  
往古來今共一丘  
遮莫功名掀宇宙  
百年兩角寄蝸牛

粟囊聊復寄三餐  
埋沒緇塵嬾濯冠  
紅紫百般紛過眼  
鄉山歲晚有蒼官

胡長民監元挽詞

太學蓋鹽舊中吳  
翰墨聲關山題柱  
筆風露讀書檠  
夜雨綠荷破孤墳  
丹桂生空持壇場  
手往記玉



樓成

次韻朋元正夫夜飲

歌豪乃作家奕勝豈微幸莫嗤老非少乃尚可以  
逞玉瓶引杯長政爾寒漏永二三文章公共此銀  
燭影陳卿得秀句劉郎一笑領羸驂兀殘夢乘空  
恍難省曉枕訂更朝俱墮無何境

次韻趙正之同年客中三首

清班合列大明宮自要牛刀試一同踏徧巉巖吾  
道在莫將尋尺較窮通

羶車席帽各青春春花下驂騑一閃塵離合颺零十

霜露咸陽客舍有詩人

可憐山縣五斤手不識王孫八斗才君自扶搖有

霄漢從渠螭鸚舞蒿萊

次韻陳季隣戶部旦過菴

宦遊觸處似懸匏北岳南山想獻嘲拍手百年休

鑄鐵蓋頭一把暫誅茅玉京歲晚梧桐落水國霜

清橘袖包飛雪已隨歸夢去何人頂上鵲成巢

翰林學士何公

溥

挽詞

以下館中作

盛際羣多士諸儒遜一賢名場魁淡墨官簿到花  
磚地近行知政天高不假年書生稽古力何必盡

朋元不赴湖上觀雪

之集明日召試玉堂

見寄二絕次其韻

雪溪清興未渠闌晚

上西樓帶月看公子自

會低唱獨肯來同對

筆寒

文場宦復鬢霜宜白

玉堂前雪霽時不惜

狂言振忌諱夫息味

頑竟無奇

二首在次陳季陵

韻後



台躔

送洪內翰使虜二首

郊廟熙成霑率賓罪如滑夏亦惟新邊烽已卻來  
南虜使節猶煩第一人遙想窗廬占漢月便呼重  
譯布唐春問于若問公家世說與麒麟畫老臣  
峨冠方侍玉輿香公比侍祠郊禋  
執綏備顧問雙節飄然照大  
荒正倚先生令趙重寧容驕子姪強天教忠信  
行甌脫人許功名上太常試卜和羹知未晚歸來  
烟雨正梅黃

次韻趙德莊吏部休沐

窈窕新堂好委蛇夜直還遙知欹帽髮正奈捲簾  
山門外客姑去窗前人對閑誰能烏帽底塵土澗  
朱顏

次韻王夷仲正字同遊成氏園

秀巖堂上玉東西把酒登臨望眼迷天宇四垂粘  
地近海山一抹帶潮低絕知客好無塵事聊記吾  
曾有醉題倚賴羣仙聯姓字他年誰教一丸泥是日

諸公令  
余題壁

王季海秘監再賦成園復次韻

雲莊風榭對東西清暑光陰近竹迷一斗正緣詩



苑石湖詩集卷十二  
與盡兩眉休爲客愁低披開豹霧尋陳跡掃盡蛛  
塵看舊題健往莫愁騎馬滑闌珊梅雨不成泥

春晚偶題

寂寥春事冷於秋雨打風吹斷送休點檢梨花成  
一夢蘸紅新綠滿枝頭

倪文舉奉常將歸東林出示綺川西溪二賦  
輒賦長句爲謝且以贈行

綺川亭上凌雲賦人在回仙舊遊處誰教書劍走  
長安荻月楓霜等閑度未門不灸釣竿手萬卷難  
供折腰具偶然把筋憶蕁羹乞得閑官徑呼渡江

漲橋頭有渡船船頭歷歷東林路雲烟如畫水如  
天笑憶紅塵問良楛我亦吳松一釣舟蠡舍漂搖  
幾風雨因君賦裏說江湖破帽寒驢明亦去鷄犬  
相聞望可見鷗鷺同盟心已許相過得得款溪門  
雪夜前村聽鳴榔

送吳智叔檢詳直中秘使閩

抗章撲被豈公難已說高風立懦頑客路莫嫌河  
畔草直廬須愛道家山秋生蓮浦船初泛春滿茶  
溪騎趣還卻訪故人西府舊定煩書札墮田間

楊君居士挽詞



孝至蘭陔茂身修梓里恭名塲兒中鵠嫺黨壻乘  
龍駒隙驚年運蟬媽有慶鐘幽光定無憾豐刻妙  
形容

送周畏知司直歸上饒待次

漫郎西口費三年故業新聞腹果然長塵劇談抽  
繭緒短檠細字綴蠶眠頻驚陸海風波夢未了京  
塵粥飯緣後日重來應訪舊五湖煙浪有漁船

次韻魏端仁感懷俳諧體

浪學騷人賦遠遊大千何事不悠悠酒邊點檢顏  
紅在鏡裏端詳鬢雪羞過眼浮雲翻覆易曲肱短

夢破除休孤烟落日冥鴻去心更冥鴻最上頭

次韻李子永梅邨散策圖

光風先放越溪春蕭散尋詩索笑人藜杖前頭春  
浩蕩三生應是主林神

太師陳文恭公挽詞四首

日者更皇化公來輔聖能無公殊轍混不作衆波  
澄舉國材真相他年了中興天如遺一老人亦望

三登

侯火連朝夕籌帷決從擒一江遮圍陣千古殺胡  
林皦日黃河誓浮雲綠野心身名兩無憾天壤獨



清音

聖艾咨當壁元臣預斷金玉衡賓舜日黃屋遂堯  
心國定功無迹身閑病已淡旌忠有謨訓碑榜照  
來今  
趣召單車至驚傳兩鬢凋傾城迎國老即日走天  
圖夢已商人奠身猶漢相朝古來賢達意生滅兩  
消遙

大風送陳朋元赴溧陽

九畹滋蘭靜自芳啁啾誰復認孤風風流歲晚嫌  
杯酒文字功淡得鬢霜斂板君猶能俯仰尚樓吾

敢計行藏船開便作江南客天色無情更鴈行

次韻韓無咎右司上巳汎湖

休沐良辰不待晴徑稱閒客此閒行春衫欺雨任  
教冷病眼得山元自明抹黛濃嵐圍坐晚揉藍新  
綠沒篙清棲鴉未到催歸去想被東風笑薄情

太保節使趙公挽詞

結髮險艱會捐軀跳盪功鬢凋猶陞戟心在惜駸  
弓劍履三槐次樓臺四壁中諸郎競文武不朽是  
清風

太宜人陳氏挽詞二首 程泰之吏部之母



我昔官黜歙人傳女訓芳尊章宐小婦孫子壽高  
堂風木真無定木魚已不嘗遙憐霜露感何必薤  
歌傷  
捧檄三牲養稱觴百歲期身猶孺子泣世已隙駒  
馳吉夢青衣卜豐碑黃絹辭佳城有奇事應足洗  
餘悲

與王夷仲檢討祀社

殘夜露如雨秋氣淒已分牆西雲正黑跼跼墮金  
盆良耜酢西成豆邊翁芳芬去年歲大侵小家甑  
生塵疫鬼投其熾虐甚溺與焚皇慈降清問下招  
離散魂調麋鬻藥石黑薄回春溫德馨典神天秋  
稼如雲屯社公亦塞責醉此豐年尊神兮率舊職  
爲國憂元元自今歲其有驅癘蒼烟根

王園官舍睡起

公退閉閣臥官居如淨坊屋角斷虹飲日西楊柳  
黃客來束我帶客去書滿牀睡覺有忙事煮茶翻  
斷香

婺江黃昌偁元之校字

范石湖詩集卷之六

終辛酉十二月廿二日校於息齋別墅